

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj:009-0-SU-24-000178
Sarajevo, 15.04.2024. godine**

Na osnovu člana 31. Zakona o Sudovima u Federaciji Bosne i Hercegovine, („Službene novine Federacije BiH“ br. 38/05, 22/06, 63/10, 72/10, 7/13 i 52/14), Rješenja Ureda za razmatranje žalbi broj: JN2-03-07-1-694-7/24 od 05.04.2024. godine i člana 69. stav (1) tačka b) Zakona o javnim nabavkama („Službeni glasnik BiH“, broj 39/14 i 59/22), predsjednik Kantonalnog suda u Sarajevu donosi

**ODLUKU
O PONIŠTENJU POSTUPKA JAVNE NABAVKE ZA LOT1**

I

Odlukom o poništenju postupka javne nabavke poništava se postupak javne nabavke robe – Računara i računarske opreme za sigurnosno područje - LOT 1 za potrebe Kantonalnog suda u Sarajevu, za koji je objavljeno Obavještenje o nabavci na Portalu javnih nabavki dana 22.02.2024. godine, pod brojem 885-1-1-21-3-14/24.

II

Ova odluka se objavljuje na portalu Ugovornog organa <https://ksud-sarajevo.pravosudje.ba>

III

Ova odluka stupa na snagu danom donošenja.

Obrazloženje

Na osnovu odluke o pokretanju postupka javne nabavke broj 009-0-Su-24-000178 od 13.02.2024. godine pokrenut je postupak javne nabavke robe – Računara i računarske opreme za sigurnosno područje LOT 1, za potrebe Kantonalnog suda u Sarajevu, procijenjene vrijednosti za LOT 1 17.299,00 KM bez PDV-a. Postupak je proveden putem otvorenog postupka javne nabavke roba. Predmetni postupak je prethodno obustavljen prema Odluci o obustavi postupka broj gornji od 23.02.2023. godine, a na osnovu pristigle žalbe ponuđača „Rubikon“ d.o.o. Bijeljina, putem punomoćnika Milana Milovanovića iz Bijeljine, na Tendersku dokumentaciju broj : 009-0-Su-24-000178 od 13.02.2024. godine.

U skladu sa Rješenjem Ureda za razmatranje žalbi broj: JN2-03-07-1-694-7/24 od 05.04.2024. godine, poništava se Tenderska dokumentacija za LOT 1.

Imajući u vidu navedeno, odlučeno je kao u dispozitivu.

PRAVNA POUKA: Protiv ove odluke dozvoljena je žalba koja se podnosi Ugovornom organu u roku od deset (10) dana od dana prijema ove odluke.

Dostaviti:

Svim zainteresiranim učnicima putem portala e- Nabavki

Pripremila: Amina Vrabac

Amina Vrabac

PREDSJEDNIK SUDA

Vladimir Špoljarić

